


## HISTORIE EN TRADITIE

Mirreweenterhoorn bloazers op Weelveeld.

De "Boornse Mirreweenterhoorn Bloazers" (BMB), van de grond kömmen in 1978, hebt in 'n adventstied 'n drok program. 't Is joa mear nen kotten tied, noagenog vijf wekke, dat de heurne vuur 'n dag wördt 'ehaald en d'r bloazen mag wödden. Meestentieds 's oawens zo tegen 'n uur of zeuwen.



Dee ongeschreven wet hooft nen rechtgearden mirreweenterhoorn bloazer dan ok geern in ere. Want loa-w noe eerlijk wean, as alman zo mear vuur 't vaderland wat vot zit te toeten, zol 't nen groten pröttel wödden met de oale traditie. Dat mö-w nich hebben. dat mö-w nich. Nee, bloazen vanof 'n eersten zundag in 'n advent, en met dree könnige (6 jan.) zit et d'r vuur 'n joar wier op.

Nen echten Twentsen bloazer heult zich doar an. Kö-j noagoan dat de BMB-leu zich alle möaite doot um in Boorn en boerschop 't sonore geluud op passende wieze te loaten heuren. 'n Eenen blös laank, 'n anderen kot. Wat leu heel good en zuuwer, mear d'r wil ok wal ees nen meenderen dag bieje wean. Hoge of leage stemming, wat lig an 'n snit van 't hoorn; 't döt d'r nich too. As 'n Oalen roop" mear heurd wördt in opeenvolgend bloazen, he-w d'r plezear an. Dat ok jongs en wichter d'r leefebrieje an beleawd, doar ma-w bliej met wean. Jan Hassels Mönning hef zölfs ne wisselpries in steeld vuur 'n besten Boornse bloazer onder de achttien joar!

Pim Bruggink kreeg de pries de eerste maal, en vergangen joar hef Joost Kamphuis 'n beker oawernömmen. Aandere joaren hef Boorn, in Regien Ellenbroek, al ees nen "wereldkampioen" junior-bloazen op leawerd.

Joa leu, 't mirreweenterhoorn bloazen leawt ok bieje jonge leu en dat döt oons good. Wazzen d'r vergangen joar nich 180 jonge bloazers oet de boerschoppen bieje junioren demonstratie in Losser? Noe, dan! En zo möt 't verdan, duurgeawen van de oale bloastraditie...

In 't volle blasprogram 2000 van de Boornse bloazers veunen wieje, 'n klean geatje. 't Jubileum "700 joar Weleveld" kon, dachen wieje zonder mirreweenterhoorn bloazen nich vuurbiej goan. " 'n Heer van Weelveeld" was d'r doadelijks ok steal vuur. 27 December, 'n dearden kerstdag, zol 't angoan. Den oawend was 't 'n mooi wit laandschop, mear 'n luk doo weer. De sneekloetens bakken oons onder de kloomp, mear dat nammen wieje vuur leef. Bloazen op historische grond en dat met 'n jubileum, keump joa nich alle daage vuur, is nich waar?

Um zeuwen uur knuppen de "burgemeester" van de boerschop, Wim ter Keurs, 'n droad d'r vuurhen. Alman, en dat wazzen d'r nich weanig, stellen zich op





op de ruimte binnen de grachte. De familie Kwint-Hänisch ten Cate, “ ’n Heer”, was d’r met ’n kōrfke “Welevelds kruudenbitter” en leut de kleane gleaskes rond goan. ’n Koppelke leu van ’t Weelveeld wazzen optrommeld en heulen d’r noabervisite in ’t klean. Vuurman Wim Kiewik bleus ’t gebuuren lös. De Boornse bloazers hadden d’r ok naa wil an. Ter Keurs smet nog ees wier ’n paar dikke kluppelen echt Welevelds eeken in ’n veurkoorf, en zo gung ’t ’n uur laank plezearig verdan, dat deer ’t.

As vanzölf wōdden doar ’n besloet geboren: “Dit mö-w van noe of ieder joar doon, hier op de grond van Huize Weleveld”. Noe wee-j d’r van hoo of traditie en historisch besef in leawen bliewt. **Leu, ok kommen!** ’n Dearden kerstdag, 27 december, mooier kan ’t nich.

Johan Kwast.

## BORNE IN DE JAREN TWINTIG 5

Over de R. K. Kerk aan de Stationsstraat wordt in de “V. V.”-gids het volgende meegedeeld:

*De Tweede toren van BORNE rijst boven de R. K. Kerk. Dit gebouw, waarvoor in 1888 door pastoor Warnink de eerste steen werd gelegd, is een bezoek ten volle waard. Aan den bouw van deze kruiskerk met zijn sierlijken dakruiter, is veel zorg besteed. Het gebouw, opgetrokken in grijsroden baksteen, verlevendigd door donkerroode profielsteen en spaarzaam aangebrachte zandsteendetails, is uiterlijk rustig van tint en vormt, mede door zijn geschikte ligging, aan een splitsing van hoofdwegen (Grote straat, Almelosche straat en Stationsstraat) een sieraad van het dorp.*

Over de totstandkoming van deze kerk, op deze plaats, is intertijd heel wat te doen geweest. Nadat duidelijk was geworden dat de oude Waterstaatskerk aan de Koppelsbrink te klein en te oud was geworden moest er een nieuwe kerk komen. Men kocht daarvoor een stuk grond, ongeveer op de plaats waar nu de parkeerplaats van “De Bijenkorf” is. Omdat

